



Specvlvm Privilegiorum Regularivm In Commvni

Pedro <de los Angeles>

Coloniæ Agrippinæ, 1681

Sectio II. An leges generales, sive civiles, seu Ecclesiasticæ debeant publicati in singulis Regnis. Provonciis, & Diœcesibus, vel sufficiat unica publicatio in Curia vel Regali, vel Ecclesiastica, ...

[urn:nbn:de:hbz:466:1-61715](https://nbn-resolving.de/urn:nbn:de:hbz:466:1-61715)

S E C T I O II.

An leges generales, sive civiles, sive ecclesiastica debent publicari in singulis Regnis, & Provinciis, & Diocesis, vel sufficiat unica publicatio in Curia, vel regali, ve ecclesiastica, ut vim obligandi habeant?

240. 1. **N**on loquimur in praesenti de legibus imperialibus, nam de his dispositum est in jure civili, ut non obligent antequam publicentur in singulis Provinciis, & post duos menses à publicatione, ut constat ex authentica, *ut facta nova constitutiones*, novell. 65. abī : *Legem non obligare, nisi post duos menses à publicatione facta in singulis Provinciis.* Imò, & in singulis civitatibus Metropolitanis, ut norat doctus Montefinus 1.2. Tom. 2. disp. 20. quæst. 4. difficult. 3. num. 94. Sed cùm leges imperiales non ligent Principes supremos, qui Imperio non subduuntur, ut Reges Hispaniæ, Galliæ, &c. & multò minus Romanos Pontifices, difficultas quād hos manet in sua vi.

241. 2. Prima ergo sententia docet legem generalem, maximè Ecclesiasticam, non obligare existentes extra Curiam, per solam publicationem factam in ea; sed omnino desiderari, ut publicatio fiat pro singulis Provinciis in civitatibus Metropolitanis cuiuslibet Provinciæ, seu Diocesis, quando Princeps habet varias Provincias inter se valde distantes, ut Romanus Pontifex. Si enim non habeat nisi unam parvam Provinciam, seu Regnum, sufficit unica publicatio in Curia, sicut in qualibet

Diocesi, sufficit in Metropoli ecclesiastica, ut omnes Doctores docent; at ubi multa sunt Provinciæ, in qualibet debet fieri specialis publicatio. Unde commorantes extra Curiam in aliqua ex istis Provinciis & civitatibus, seu Diocesis, etiam si noverint publicationem legis factam in Curia, non ligantur talibus legibus, nec facient actus nullos, quoadusque in propria Provincia publicentur, sic sentiunt Cajetan. & Medin. 1. 2. quæst. 90. art. Sotus de just. lib. 1. quæst. 1. art. 4. vers. At verd. Molin. Tom. 2. de just. tract. 2. disput. 395. Reginald. lib. 1 3. cap. 16. num. 152. Silvius 1. 2. quæst. 96. art. 4. quæst. 11. conclus. 4. Mirand. in manuali Tom. 2. quæst. 25. art. 4. conclus. 5. & probabilem reputat Merola infrà referendus, & alii multi Juristæ, & Theologi, quos refert & sequitur Trullench. in Cruciat. lib. 1. §. 7. dub. 9. num. 20. cum Ludovic. à Cruce distinct. 1. cap. 1. dub. 1 3. num. 1. inter quos novissimè Joannes Präpositus, loquendo de lege generali Pontificia 1.2. quæst. 49. disp. 1. dub. 7. sequentia dedit ex præfata opinione.

Primū, aliquem non obligari servare legem generalem, quam scit Romæ publicatam, si non sit publicata in provincia, ubi commoratur. **S**econdūm, pœnam legis non incurri, nec excommunicationem, neque suspensio nem, aut privationem officii, aut beneficii, ante talem publicationem. **T**ertiū, non incurri inhabilitatem ad officia, seu beneficia, neque irregularitatem. **Q**uartū, contractum non esse irritum, neque in conscientia tenetur quis ab eo abstinere. **Q**uintū, leges revocatorias privilegiorum, v.g. absol-

ven.

vendi à reservatis , eligendi confessariis; non habere vim antequam publicentur in provincia, seu Diœcesi. *Sextum*, alias leges Papales , in propriis provinciis non promulgatas, non obligare , nec quod ad culpam , nec quod ad poenam; ac proinde regulas Cancelleria , extra Romanam Curiam non habere vim legis , cùm non publicentur extra eam ; nam et si stylus Curiae Romanae juxta eas judiceret causas totius orbis , id tamen est , quia iudices sequuntur oppositam sententiam pro foro externo ; sed in foro conscientiae poterit quis alteri opinioni probabili se conformare. Hæc dictus Author , & omnes qui hanc sequuntur opinionem absoluere prolatam , quod addo , quia diversimodè intelligitur à pluribus illorum.

242.

3. Fundamenta præcipua hujus sententiarum ad sequentia reducuntur. *Pri-
mum*, quia quando jus Canonico nihil disponit , judicandum est juxta jus civile , si bonis moribus non contradicit; sed in jure Canonico nihil de hac re disponitur , & assignata authentica juris civilis non solum non contradicit bonis moribus , sed potius illis faveat; cùm sit æqua & justa , fundata in optimâ ratione ; igitur observanda est in legibus Ecclesiasticis , quando nihil aliud in contrarium disponunt , cùm eadem ratio militet in omnibus legibus , & fortius videretur urgere in legibus Pontificiis , quæ universaliores sunt , quam laicales ; siquidem imperium Papæ latius patet , quam imperium cuiuscunque Regis , & Imperatoris. Insuper præfata lex imperialis invenitur acceptata ab Ecclesia , ut dicemus *infra* loquendo de

legibus irritantibus , & *se^t & sequenti*: Ergo , &c.

243.

4. Secundum, quia non publicata le-
ge in provincia , vel lex obligat igno-
rantes , vel non obligat ; si obligat , du-
rissima & injusta videtur ; si non obli-
gat , ergo neque scientes obligat. Nam
quando major pars populi legem non
servat ex ignorantia ipsius , neque ego
sciens teneor observare : sicut si major
pars populi legem non acceptavit , ne-
que ego teneor observare. Esset enim
magnum inconveniens , & inferret re-
giminis confusionem , & innumeros
scrupulos gigneret , legem paucos casu
scientes obligare. Quando vero in
propria provincia publicatur , per se est
sufficiens obligare omnes , licet per ac-
cidens excusat à culpa & pena alii-
quis privatè ignorans : nam leges per
se commune bonum respiciunt , & adi-
illud ordinantur , non curando de
his , quæ per accidens possunt acci-
dere.

244.

5. Tertium, nam lex , quæ pro tota
Ecclesia fertur , potest non esse utilis , &
conveniens pro particuliari Religione ,
& in tali casu potest , & debet Episco-
pus suspendere executionem , & suppli-
care Romano Pontifici , eique rescribe-
re , ut habetur in Cap. Si quando , *de
rescript.* & docent omnes , ut ostende-
mus *infra*. Si ergo pro illo tempore su-
pensionis , & suppliciæ , lex non obligat ,
ut est communis sententia , de qua di-
cam *infra* : Ergo signum est quod lex
non cepit obligare statim post publica-
tionem factam in Curia , alias Episco-
pus non posset talem obligationem sus-
pendere , cùm sit imposta à supremo
Superiore.

6. Quatuor

245.

6. Quartum, nam ex opposito magna inconvenientia sequentur. Nam si Summus Pontifex statuat novum impedimentum dirimens matrimonium, v.g. usque ad 5. gradum, plurimæ virgines ignorantes, cum tali impedimento nubentes, post desperitam virginitatem, oporteret à suis viris separari.

246.

7. Confirmatur ex Cap. Cùm infirmitas, de pœn. & remiss. ubi statuitur: Si quis Medicorum hujus nostra Constitutionis, postquam per Prælatos locorum fuerit publicata, transgressor extiterit, tandem ab ingressu Ecclesiæ arceatur, donec satifecerit competenter. Ergo lex Ecclesiastica conformat selegi imperialis quamquam æquæ & justæ quodad publicationem legis in qualibet Diœcesi; vide alia infra, loquendo de legibus irritantibus.

247.

8. Nihilominus multi Doctores antiqui, & moderni tam ex Juristis, quam ex Theologis nervosè defendunt Pontificias leges, post publicationem Romæ factam, obligare omnes provincias, quamvis in illis non sint specialiter publicatae.

9. Probant, quia universalis & receptissima consuetudo in toto orbe sic suaderet; aliás ferè nulla lex, aut Bulla Pontifícia hactenus, plusquam in Curia, & juxta eam obligaret; siquidem alibi non publicantur, maximè multæ Constitutiones juris Canonici Extravagantium particularium, & Bulla Cœnæ Domini, quia istas certum est non fuisse publicatas in Provinciis particularibus, quod absurdissimum videtur assertere.

248.

10. Secundū, quia Episcopi, aliqui Prælati non publicant Bullas Pontifi-

cias in suis Diœcesibus, & non excusarentur à peccato, si ad eorum obligationem requireretur publicatio in Diœcesi, & tamen non peccant non publicando, nisi Papa in sua Constitutione id eis præcipiat, & cùm Summo Pontifici sit notissimum hoc, neque conqueratur, nec Prælatos reprehendat, sufficiens signum est eum posse, & velle validè, & licite, post solam publicationem in Curia Romana factam omnes Fideles obligare, sic Doctores relati à Diana part. 1. tract. 10. resol. 8. & 9. & part. 4. tract. 4. resol. 127. & part. 5. tract. 14. resol. 5. & part. 6. tract. 6. resol. 39. & pari. 7. tract. 1. resol. 28. Bonac. de leg. disp. 1. quest. 1. punt. 4. num. 16. Vatquez 1. 2. disp. 1 56. cap. 2. num. 12. ibidem. Montelin. disp. 20. quest. 4. dff. 3. Suar. lib. 4. de leg. cap. 15. num. 8. & passim multi moderni & antiqui, inter quos P. Merol. hanc probabilitatem vocat, sentit ergo quod prima est probabilis, ita docet disp. 4. dub. 17. nu. 250. Idem sentiunt traduntque è nostris Andreas à Matre Dei Tom. 3. curs. moral. Theolog. Tract. 11. cap. 1. punt. 6. §. 1. num. 86. Francisc. Bonæ Spei Tom. 4. suæ Theolog. Tract. 3. disp. 7. dub. num. 8. & Stephanus à S. Paulo Tract. 2. suæ Theologiae moralis disp. 1. dub. 2. n. 9.

11. Non me later alius modus sentiendi, quem noviter excogitavit P. Angelus Maria Verticelli de Apostolicis missionibus Tract. 3. quest. 76. & 77. ubi docet, primam sententiam, & deductiones P. Præpositi esse probabiles, si intelligantur quando in singulis Provinciis lex Pontifícia non est publicata, neque formaliter, neque æquivalen-

lenter, & vocat publicationem equivalentem, quando typis impressa circumfertur inter maiorem partem populi, vel alio modo nota est ipsi majori parti populi; at si equivalenter non sit publicata majori parti populi, etiam si formaliter sit publicata solùm Romæ, sentit esse improbabilem sententiam relatam, continereque intollerabilem errorum deductiones P. Praepositi; alias inquit Bulla Cœne Domini, & ferè omnes aliae solùm Romæ obligarent, quia solùm Romæ publicantur, quod absurdissimum est. Sed quidquid sit de censura, quæ satis actis videtur, vellem tamen, ut ipse P. Angelus Maria nobis explicaret, an illa major pars populi, ad quam notitia publicationis Romæ facta, debet pervenire, intelligenda sit de quolibet populo in particulari, at verò de majori parte populorum totius Ecclesiæ? An verò de majori parte subditorum in tota ditione Ecclesiastica, vel in qualibet Provincia? quod minimè explicat, nec miror, cum hoc ad praxim reducere, non solùm difficultatum, sed ferè impossibile sit, ut insipienti facile patebit, & optimè notavit P. Valentia, sed quia num. 5. quest. 77. insinuat requiri notitiam subitorum in majori parte cuiuslibet populi, siquidem ibi ad pecuniam casum descendit, mihi valde difficilis videatur iste modus dicendi, & contra communem Theologorum, & Juristarum sensum. Omnes enim affirman, loquendo delegibus municipalibus, idest, quæ sunt pro peculiaribus Provincijs, seu Diœcœtibus, quod sufficiat unica publicatio formalis pro tota illa Provincia facta in Curia, vel præcipua civitate, seu Metropoli illius, vel in

aliquo loco, secundum morem Patriæ, & illa sola sufficit, ut lex dicatur per se publicè, & solemniter edita, & publicata, & ut obliget per totum territorium, seu Provinciam, absque alia publicatione, alias non esset major ratio, cur exqueretur in quibusdam civitatibus, & non in singulis parvis locis, & quare in uno loco civitatis, & non in alijs, & sic oporteret in singulis Civitatibus, & terris, seu locis promulgari, quod est absurdum, & nullus dicit, quia nullus docet, quod publicatione debeat fieri, neque in majori parte populorum, neque subitorum, sed omnes fatentur vel sufficere publicationem factam in capite, seu Metropoli cuiusvis Provinciæ, juxta primam sententiam, vel solùm Romæ, juxta secundam; sed quænam ex his sententiis (cum utraque probabilis appareat) habeatur ut probabilior, ex dicendis sectionibus sequentibus constabit.

S E G T I O III.

An lex sufficienter publicata in locis debitis, juxta sententias relatas, statim incipiat omnes subditos obligare, nullâ postpositâ morâ à die, seu horâ factâ publicationis?

1. *A* Liqui Doctores affirmant, & 250. probant ex Gloss. in Clement.
2. *de haret. ver. Ex tunc, & insuper, quia legislator potest hoc modo obligare, si id expressè velit, & de claret; cum jam lex supponatur perfecta in ratione legis per promulgationem, & cum sua vi obligandi. Ergo eo ipso quod lex per voluntatem legislatoris non limitetur, nec*

N impe-